

中華律藏

中華律藏

第二十七卷

歷代大藏經律部文獻・中國撰述（十八）

國家圖書館出版社

唐有大士諱道宣字法徧天縱神悟深入法華涅槃骨髓決了戒律卽是圓乘自撰戒疏羯磨疏行事鈔諸書於是乎毗尼之學大傳于天下所謂自佛滅後像法住世興發戒律者但此師一人而已其后吾門高僧名賢爲之記者亡慮六十餘家雖然祖師所製文法簡古義趣隱微以故諸家多失祖意唯宋大智律師蚤以顯悟之恣銳意于律克究文旨甚得祖意因著行宗濟緣資持諸記悉釋彼文識者以爲其超過六十餘家釋義之外矣元祿壬午春三月梓氏某來出行事鈔資持記序解并五例講義一本強請余校讎之以流通本邦余慨然諾焉疾披讀之乃大智之高第弟子則安律師所撰也按僧傳未詳其姓氏鄉里曾述茲書及隨機羯磨序解等篇行于世見其所明禦侮救弊發揮宗旨不特究律學廣涉三藏九流之奧其亦有功於我宗甚大矣粵未一句校讎既成因授梓氏令其刻之

南京唐招提寺沙門釋實光戒月虔書于應量坊

行事鈔資持記序解并五例講義

門人 則安 述

題中上六字標所解下三字標能解就能解中上二字屬別古今異故下一字是通諸記同故又鈔題屬通五十餘家總申釋故記題是別資持建號局今家故且鈔題立名本乎行事返光九代方軌來襲一宗教門無出此意行事兩字徧在諸文鈔云顯行世事銳懷行事等含注戒序云至於行事盛結邊疑業疏序云至於行事未見其歸輕重儀云諸師行事議悟者稀壇經序云律儀博要行事謀猷是知行事本設化之根源正詮教之宗旨諸師著撰未始輕懷今鈔所詮總歸行事仲尼所謂託之空言不若載之行事深切著明也記主深體教意故立嘉名序云仰承行事之旨題曰資持資謂衆自共行持謂上作二持三行二持開合異爾序云一部統歸三行三行無越二持義鈔云森列二持統歸三行乃知記號資持是卽鈔題行事名雖有異義實無殊能所相應奄同函蓋資以助發爲義持卽對犯彰名持相雖多要分爲二



白一作自

即一作則

廟一作廟

對彼善事故立作持對彼惡事故立止持由一切境
 事不出善惡對此善惡以分二持是則無有一事而
 非奉持之處持謂隨中所行護本所受鈔云止而無
 違戒體光潔順本所受稱之曰持然諸部雖明二犯
 意在戒乎二持故知持行實曰教宗舍持行不足與
 言律是則教逐機與持由教顯今資焉能詮教持則
 所證行以教助行故曰資持猶天台之有輔行賢首
 之有助修下云科釋文言實深明於法相銓量事用
 使克奉於受隨是則教行雙弘自他兼利首題一舉
 部意全彰應知此題本出戒疏彼云五衆依資奉持
 圓德又華嚴云清淨白法之所資持諸家立題俱迷
 鈔臂或約解建名或就處標目名既不正餘復何言
 撰號中大宋莊釋文云今梁國睢陽縣是即闕伯之
 商丘也高辛氏有二微子封宋二十餘世今皇朝受
子長曰闕伯
 周之封由此龍飛故以爲有天下之號圖經云餘杭
 縣秦置屬會稽顧炎云餘杭者秦始皇來游會稽於
 此舍舟航而登陸道故號餘杭漢因之王莽改曰進
 陸後漢復舊即隸吳郡餘如所撰資道記中

即一作師

然一作然

沙門梵語此云勤息謂勤行衆善息滅諸惡華首經
 云如空無觸礙煙雲無所行我說沙門法無染亦如
 是

釋具云釋迦始懿摩王擯棄四子初至雪山北舍夷
 林人民歸之鬱爲強國又王往詔辭過不還遙遙嘆
 曰我子釋迦華言能仁佛是彼之裔故姓釋迦五衆
 出家是佛弟子故例稱焉晉魏以前皆隨師姓如支
 公姓關師支法領故稱支遁生公姓魏師竺法汰故
 稱竺道生也安公乃云剃髮染衣紹釋迦種即無殊
 性宜皆釋氏稱之雖有此說時或未然後增一阿含
 至果云四河入海無復本名四姓出家同稱釋子又
 彌沙塞律云汝等雜類出家皆捨本姓同稱釋子
 撰謂操屬染翰詮次成章序文大略歎宗體辨教源
 叙弘傳仲著撰之所作也意觀序議其來致
 初段歎宗體中三初句標人稟下六句正歎又二上
 二句叙宗行下明用誠下總結
 初中出家者業疏有二種一出餘家志求解脫永離
 纏縛此爲本也如五分說不爲解脫出家不得名僧

次二有大利機心希拔俗雖形在俗性元恒堅不在言限故淨名言汝但發心便是出家就分四句一既出從道志求解脫心形俱出也二形雖附道而心沉世形出心沒也謂厭在家營趣之苦求出家供給之樂即涅槃云爲衣食而出家者三如淨名說心出家形沒也四就滯五欲縛著居家俱不出也今云出家即前一也士者即有道者之稱猶俗所謂衣冠之士道義之士此士沙門本言道士經召菩薩爲大士佛爲無上士孔子曰行已有耻使於四方不辱君命可謂士矣

正歎中初文稟戒爲體者稟爲能領之心戒即所發之業業疏云業即戒體以出家者無別有體攬法而成故智論云剃髮染衣爲相受持禁戒爲性性即體也聚法居身者法謂法界塵沙二諦等法就已成爲言即聖法也然此諸法散在塵境今以一念偏緣攬歸心識充一正報成善法聚鈔云出家僧尼真是善法功德之聚位尊人天良由於此
次明用中有二初叙克體而修因行身下叙稱法以

成果德又初對稟戒爲體下對聚法居身據體修者謂方便修治順本所受鈔云隨謂受後對境護戒之心方便善成稱本清淨業疏明隨有四一專精不犯隨二犯已能悔隨三無心護持隨四能犯無悔隨今所明者唯據前二望後法體故標因也稱法而助謂行止威儀必修正軌論語云非禮勿視非禮勿聽非禮勿言非禮勿動是宜戰兢不妄履踐然後三學入正由此而生四智三身假斯而立故曰號法身薩遮尼健子經云如來功德莊嚴之身受戒爲體本持戒爲始涅槃云欲見佛性證大涅槃必須深心修持淨戒皆此意也法身即五分所成謂戒定慧三從因受名解脫解脫知見二從果彰號由慧斷惑惑無之處名解脫出纏破障反照觀心名解脫知見佛地論中三解一云前三有學法後二無學法二云皆是無學位中緣勝解慧名解脫蓋道諦智名解脫知見蓋緣餘三諦名慧蓋三云皆通學與無學若爾云何分別答學位分得無學圓滿也大教即以常樂我淨永離一切老病死等以爲法身然法身有二一者本性法

其一作誤

身二者修成法身亦名理事一身如上所明據修成者修性雖殊所顯無別業疏具明三身所謂法報應也今文略舉欲應上句故單標法身雖不顯化報理必具之所謂隨舉一身三身具足也又法身能顯化報之用今據本而言也或將四行配釋初句戒體次句戒法行下戒行身下戒相上三可解言相有二一法相二行相標宗云威儀行成隨所施造動必稱法美德光顯約行明相也釋相云即此所明亘通篇聚就法辨相也文云稱法而動正合標宗即行相也問鈔中先法後體今文先體後法何耶答撰制隨時未必一定況四行配釋出自後賢記主一期綸緒與教冥符諸者臨文無勞改異

總結中非體無以成行非法無以修身行滿德圓必由淨戒故曰誠由也發趣有宗發謂起行趣謂所期宗即指戒鈔云發趣萬行戒為宗主依因得所依謂依託禪智依止故因即因由定慧由生故所即處所亦指戒也遺教云依因此戒得生禪定

次科如來制律中初文上二句明心本一員從下示

迷成三道初中一識者祖師云不妄緣境但唯一識又云還塵安心於本藏識即指心體是大乘理其體清淨妙用虛通也包攝十方含育萬有隨順物宜種種異說法界涅槃中道實相圓覺般若真如真空法性佛性唯心唯識佛藏佛母楞嚴總持等又號如來藏祕密藏平等理清淨覺等經云般若是一法佛說種種名今依楞伽起信唯識攝論以明藏識梵云阿賴耶又云阿梨耶此云含藏識含藏一切善惡因果染淨種子起信云真如隨緣不生不滅與生滅和合非一非異名為阿賴耶即真妄和合識攝論云外塵本無實唯有識是大菩提佛果證行此即全指真如為真識解深密經則談九識謂第八識外別立第九清淨真識又名清淨無染識真常淨識今準楞伽略明三種經云略說有三種識廣說有八種相何等為三謂真識即是現識亦名分別事識亦名轉識此約真如隨緣不變不與妄合故為真識不變隨緣和合現起為現識譬如明鏡衆色像現餘之七識為分別事識用此三種統收諸說彼經亦云如來藏名阿賴耶而

俱一作相

與無明七識共俱如大海波常爾不絕又如來藏者爲無始妄僞惡習所熏名爲藏識今明此識體本眞淨故曰元明楞嚴云則汝今者識精元明又云覺海性澄圓圓澄覺元明明照生所立照性亡然此一識自本來今生佛平等染淨二緣下不可得故曰垢淨亘得也

示迷中上二句卽惑道由此一識不守自性感物而動動卽業相動之不已熾然分塵顯變造世間衆生國土凡聖因果生佛依正十界差別楞嚴云迷妄有虛空依空立世界相澄成國土知覺乃衆生又云晦昧爲空空晦昧中結暗爲色色雜妄想想相爲身又業疏云良由衆生無始封著是此是彼是得是失又云隨緣轉變有彼有此故云彼我熾然觸下明業道動隨妄境曰觸物輒起妄識曰生情心爲境轉故曰隨妄心境相冥故曰與業業疏云隨妄與業動與妄會等繫下卽苦道諸有獄者三界迫迫猶如牢獄法華經云能於三界獄勉出諸衆生業疏云因之起染纏縛有獄有卽三有二十五有故曰諸有萬類卽六

所一作東

道四生輪迴互受種種差別不可勝數故云萬類然此十界依正六道因果皆由一識之所變也應知諸緣同一識體未有一法而非識變者經云三界無別法但是一心作又云三界唯心萬法唯識又楞嚴云我常說言色心諸緣及心所使諸所緣法唯心所現又云色身山河虛空大地咸是妙明眞心中物但在迷妄不知不覺故受輪迴未出生死又云佛告阿難一切衆生從無始來種種顛倒業種自然不能得成無上菩提皆由不知二種根本一者無始生死根本則汝今者與諸衆生用攀緣心爲自性者二者無始菩提涅槃元清淨體則汝今者識精元明能生諸緣緣所遺者由諸衆生遺此本明雖終同行而不自覺枉入諸趣億下謂循環諸有時數久長善惡昇沉故難休息劫是梵言具云劫波此云時分罔卽訓無次科叙立教中既由惑業淪沒生死故佛興慈立教極拔如來者成論云乘如實道來成正覺眞理平等體絕虛妄故云如實卽眞身也乘履此法出現利生故云來成卽應身也大慈門者大卽簡小之言慈乃



通一作通

與樂之名門以通物爲義十住毗婆沙論云依大慈門說於毗尼戒疏云依大慈門曲授祕方又律云世尊慈念衆生故而爲說法關猶開也將下申意煩惑難清要由方便故先立戒檢策非違定慧由生煩惑自遣乃知戒者正行之先容破惡之前陳盡苦源者脫生死是苦煩惑爲源破惑顯理故云盡也律云於我法中快修梵行盡苦源除漏業者卽七支三毒名有漏業亦名動業身口事業動與理違若不先防妄隨塵欲今立戒檢業惑無由故律云爲調三毒令盡故制增戒學譬下四句喻顯伐樹合上究盡苦源刊枝合上先除漏業種果無依謂業不續現根株漸朽謂三惑永亡刊削也毗下結示厥其也詩云聿修厥德致謂由致茲卽訓此

次科敘作鈔中初文蘊結卽目結集戒疏云蘊結西土千有餘年譯傳東夏將四百載中天亦云中梵中謂天地之中梵謂梵天之裔卽五天竺國三千日月萬二千天地之中央也五宗卽曇無德薩婆多彌沙塞迦葉遺婆羅富羅此之五部同師多於根本僧

通一作通
足一作之

祇派出五見隨其樂欲各各不相承異執成宗杭行於世故云競演上據中天並駕下明東土偏弘譯傳者卽翻梵成華譯易也言易梵成華周禮掌四方之語各有其官東方曰寄南方曰象西方曰狄韃北方曰譯據佛教來自西方理稱狄韃但漢世多以北方交通譯人兼善西語是時佛法西來遂使譯人翻之因是佛經咸稱譯也東夏卽因此方亦稱華夏美服彩章曰華大國曰夏四分偏弘上列五部前三部戒本廣律此土已翻根本僧祇亦流東夏然自漢明夜夢之始迦竺傳法已來艸創鉉基未遑具體跨及曹魏將二百歲曇摩迦羅依四分羯磨方立十人受戒仍出僧祇戒心令衆誦習至姚秦時十誦廣律初翻人卽依用其次四分僧祇五分三部廣文并傳此地人謂僧祇與先戒本文理相合乃舍十誦多演僧祇至元魏法聰律師方考受體始罷僧祇首傳四分高僧傳云自初開律師號法聰口以傳授時所弘之沙門道覆卽紹聰緒撰疏六卷慧光律師再造文疏廣分衢術後雲暉願等躡足傳燈各提聲教如後鈔中

廣列諸師傳演頗衆故曰偏弘或可諸部雖翻而四分一受人不敢違業疏云神州一統約受并誦四分之文偏弘之意又可見也又解聰師已還雖有相承然人情執舊多未伏從至于隋世尙有紛紜逮至唐朝異端方靜今則混一唐統并行四分之宗是則偏弘之言須推唐世思之雖下叙情見九代者自後漢明帝佛法初傳至于大唐祖師出世凡歷九代即漢魏晉宋齊梁陳隋唐鈔云震嶺傳教九代聞之又云故即補闕反光九代相承者謂師資傳授六師者弘演雖多不出六見鈔云世中持律略有六焉一唯執四分不用外宗二當部關文取外引用三當部有義文非明了四此部文義俱明而是異宗所廢五兼取五藏通會律宗六終窮所歸大乘至極異轍者謂不相祖述轍車迹也老子云善行無轍跡

次科叙人中四依者凡有三種一人二行三法今因人四依內凡爲初依初果爲二依二果三果爲三依四果爲四依涅槃云有四種人能護正法爲世所依此並大權示聲聞像傳法化人衆生所賴四并名依

華二作乘

由祖師位隣極聖德冠上機迹現聲聞垂取三界故云示也大聖懸記得其人乎一字涅槃云善解一字名曰律師乘即秉持權即權握軫下叙弘教軫動也扶顛顛即訓倒論語云危而不持顛而不扶則將安用彼相矣如來使者語出法華彼云我滅度後能爲一人說法華經乃至一句當知是人則如來使如來所遣行如來事又云當知佛所使慇懃念諸衆生穆宗嘗用由此語以讀祖師經中竊爲一人說一句號如來使況乎輔教傳宗立言垂範百代無古千聖共遵人天所依助佛揚化命斯佳疏不亦宜乎論語云遠伯玉使人於孔子孔子與之坐問焉曰夫子何爲對曰夫子欲寡其過而未能也使出孔子曰使乎使乎垂下明化物曲施方便故曰垂慈摸範群生故曰軌物導師者西域常法凡人登涉須立導師以爲指引今謂誘掖庶品事有同焉經中召佛菩薩以爲導師如云諸仙之導師第二之導師叙默法中上二句汎叙法未製諸文即事刪補故首著斯文斯文即指鈔也論語云子畏於匡子曰文王既沒文不在茲乎



通一作連

周一作眉

天之將喪斯文也後死者不得與於斯文也天之未喪斯文也匡人其如予何無機不收啓曰統被時衆祖師皆讚部主曰結集茲藏通被時賓莫下正歎五乘者人天聲聞辟支佛及佛能乘人也五戒十善諸緣六度所乘法也此五齊運故曰并駕傳論亦曰五乘方駕於戒道衆聖肩隨於行衢鈔云爲五乘之軌導今文附此通標七衆者比丘比丘尼式叉摩那沙彌沙彌尼優婆塞優婆夷由立五乘故群生咸受其賜問上云統被時衆下云七衆俱霑文旨相重如何簡辨答上據鈔主本懷下據當機獲益思之可解攝僧如集僧足數受欲結界僧網師資等護法如受戒說戒安居自恣等日用即二衣四藥等時須如主客相待瞻病送終等大途如此非不相通儀謂法式務謂事相橫提綱要綱即綱上之綱由提綱則綱目自整今謂三藏羅列有同衆綱今提大要即喻提綱要謂機要也鈔云舉綱提綱毛目自整尙書云舉其綱綱舉其機要足以垂世立教是也曲盡規猷規猷即法則也鈔云心境相照助合規猷攝僧證法貴知大

要止可提綱日用時須法則微隱故須曲盡是下通結尙書序云歷代寶之以爲大訓由刪補成章古今遵仰特標大訓以顯聖模叙撰記中初科上四句叙古非理謂理趣淵奧皆謂深也尙書序云雅誥奧義其歸一揆注云奧深也又奧者室也班孟堅云究先聖之重奧注云靈內奧室也今謂理趣幽遠有同堂室之深造之者亦寡矣噫古今學者尙不及藩籬況堂奧乎討下即應上句文既淵奧故得其門者鮮矣討論者論語云爲命裨諲卿創之世叔討論之行入子羽修飾之東里子產潤色之尙書序云討論墳典鮮得其門者子貢云孔子之牆數仞不得其門而入不見宗廟之美百官之富得其門者或寡矣鮮者少也事類森羅者文中所辨三行二持等事也義類不一如萬象森然羅列也鈔云森然萬境何事非持羯磨序云昔已在諸關輔撰行事鈔具羅種類雜相畢陳是也駕說者楊子云亦猶天之道不在仲尼乎仲尼駕說者也注云駕者傳也消釋文義得失互彰故云或容等

次科示文體中觀前失旨方事操觚故云由是古今章記五十餘家講授傳弘歷代尤衆并皆窮竅互見是非今家所存在理爲正故云研詳可否等或賢聖所遺或先德文記或章記流行或口相傳授或聞或見擇善而從包括成章形于翰墨故云罄所見聞罄盡也

斗一作計
池一作地

立題分卷中上一句叙立題行事乃首題之別目一鈔之所宗依之建名深符聖旨不下示分卷以鈔約三行分三卷今記依之亦分三卷故云不違等良下二句叙題初示學宗上下兩卷衆共兩行名作持中卷自行名止持故云一部統歸等統會也謂會歸不出三行也周易略例曰統之有宗會之有源科下四句次示作用文言指今鈔也日月星辰天之文也詩書禮樂人之文也易曰觀乎天文以察時變觀乎人文以化成天下今宗律以造鈔如易之有文言也法相謂戒法戒相受隨即戒體戒行問此之戒相爲屬何相答法相也由科釋文言隨事顯相故也若論由法成行美德外彰亦通行相詮謂評之權也由之以

今一作合
敬一作敬
妙一作少

知輕重量謂斗之衡也用此以知增減既科釋之又稱量之則坦然明白可舉而行也又上二句屬教即自利資之一字也下二句屬行即利他持之一字也是則下總結言教行則目足相資深池可到語自他則彼我兼濟大行爲心經云自利利人法皆具足是也首題則記號資持部意即鈔詮行事智者觀乎記題則一部鈔意皎在目前

述已申懷中通宏竊廣大也寡陋謂孤陋寡聞以下喻顯上二句出東方朔答客難彼云以管窺天以蠡測海以筇撞鐘豈能通其條貫考其文理發其音聲者哉蠹是蚌蛤也以蚌量海安測其深下二句出朱浮與彭寵書彼云猶河漢之人捧土而塞孟津多見其不知量也孟津即黃河流處居人以土塞之是不知量也合意可知此記主揮謏不自伐也觀今著述前代未聞抗折百家超過衆說解義則永釋泉涌在文則金玉相振是可與日月俱懸鬼神爭奧苟南山載出波離復生亦無以加矣式下伸懷式敬也用也夙卽訓早詩云夙興夜寐記主妙年聽律志欲申明



善始令終功顯斯滿亦繼祖師少仰玄風志隆清範
流通者淨名疏云從譬得名如洪源甘澤從上被下
名之爲流無所壅隔名之爲通神補也萬一者謂作
記解文未能盡理但於萬分之中可補一分耳楊雄
美新云雖未究萬分之一二亦臣之極思也者爾卽
語辭王莽集位曰新室
子雲上書曰美新

大段第二初叙意中上四句標古然下明今章記雖
多未明要旨今家操染頗識指歸欲曉大途略提五
例莫不攬收文義披括古今顯斯文製作之揣摩學
者討論之路徑庶乎入文易見得意忘言前則通明
來到此乃括示大綱條領一披思過半矣蓋準鈔文
卷首一序通叙撰述緣起後明十門統括諸篇大綱
其致一也春秋序云凡言例者皆經國之常制周公
之垂法史書之舊章仲尼從而修之以成一經之通
體用出五例一微而顯二志而晦三婉而成章四盡
而不汙五懲惡而勸善後賢述作多本此意如天台
止觀七例所傳部別所依正教依正消釋大意總
別心境相疑解行相資吁疑顯正等例
通慧釋經四例審字不審音如說呪審音不審字如
肥是音字俱審如麻經音字俱不審

辛一作卒

如梵又如周易之有略例止觀之有統例今鈔十門
洎諸篇中出例尤多尋之可見歷觀謂周覽也易辨
位曰歷觀衆卦述作者樂記曰知禮樂之情者能作
識禮樂之文者能述作者謂之聖述者謂之明仲尼
云述而不作楊子曰其事則述其書則作五十餘家
自大慈至文博士凡五十九家據皎然薦靈澈書曰有
律鈔引源記二十一卷諸家圖疏遺之則六十家矣
指南崔豹古今注云昔軒轅與蚩尤戰于涿鹿之野
蚩尤作大霧迷其四方黃帝作指南車一指於南則
餘方可辨遂擒蚩尤而卽帝位又晉書與服志曰司
南車一名指南車駕四馬其下製或如樓三級四角
金龍御羽葆刻木爲仙人立車上車雖四運而手常
指南大駕出爲先啓之乘祖師亦嘗叙古云並謂指
南俱呈至說諸師並喜於自見各以所長相輕所短
俚語云家相獎幣享之千金斯不自見之患
別示中初科上二句示分宗宗卽主義主必致一不
可蓋故三藏卽經律論能詮教也所詮卽戒定慧三
學也三藏三學分對可明藏以含藏爲義文能合理

末一作未

理能含文即經律論各含一切文理大小二乘皆有
三藏如沙彌篇大小二乘皆有三學所詮既爾能詮
亦然若依法華智論三藏之名專在小乘法華云貪
著小乘三藏學者智論云迦旃延子於婆沙明三藏
義不讀衍經非大菩薩此指四含爲經五部爲律四
門爲論別在小乘故也若約通論大小齊攝不復疑
矣下二句顯教局謂律詮事相經論明理有司存論
語云蓮豆之事各有司存二中上二句標人并下顯
相律論緣雜宗旨混然故曰亂也仲尼云惡鄭聲之
亂雅樂注增輝即希覺律師所撰凡二十卷彼自序
云敢依集要之宗更助不判之義昔曹子建以螢燭
末光增輝日月輒符此喻遠目斯文隨文結釋者梵
語殺三摩莎此云六離合釋西天凡二字已上爲名
皆須六釋簡蓋言離合者請先離後合妙法是體當
體上有微妙義故云離妙是法名合一持業持謂任
持業謂業用如妙法是二依主依他主法得名曰依
主或依法或依人或屬能或屬所所依從能依得名
如言佛殿殿是所依佛能依人故曰依主能依從所

記一作說

依得名如言藏經藏乃所依處經是能依經藏之經
故曰依主也三有財有分有全如言金剛即金如云
金剛神即是皆有財釋也四帶數如三寶四諦因釋
其寶與諦起三四之名故也五相違如名色四蘊是
名色蘊曰色色心相違故又如水火鹽醋天地等皆
相違釋六隣近如言念慧念與慧相近故曰隣近增
輝釋題云準集要具二釋一持業釋二依主釋云云
且祖師兩鈔二疏釋名辨相曾無此意何得輒用混
繫者即解心□泥曰乃立四門一釋名二出體三辨
人四明大涅槃相攝四果者即解爲求四果故廣明
斷證謂之涅槃章四果章等世有折立別行亦正爲
此後人或復作記或出章門紊亂宗乘誇掠異學忘
本逐末一至於斯引論參律援有釋空攻乎異端爲
害甚矣故云況復等俱舍此云藏藏以包藏爲義此
論包藏諸勝義等婆沙即毗婆沙此云廣說義廣故
亦名勝記說義勝故亦名異說五百羅漢各異故并
與有部同見實宗即薩婆多假部即曇無德二宗異
執矢石相違西土分河此方競化混而爲一良未可

焉可下結歎語出業疏彼云河北魏部正解四分偏
廣多宗江南晉師崇尙成實依論出體用通十誦斯
并宗骨顛倒等是則宗部不分其來尙矣後銳即因
來學銳利也枉費時功者謂徒移日晷妄損正功
明今中初科上二句標示糾舉也故下正判上二句
標教行之局決下示所詮之要上句止持即自行謂
戒相也下句作持即衆行謂羯磨也共行攝在其中
此下結示正本即上戒律旁兼即目經論

次科引證中上二句標舉論語云舉一隅不以三隅
反則不復也隅者角也戒下引證大妄語戒古師解
入聖智勝法等初四句牒非顯異他日即多日也意
所異者疏主自謂也舉下明其異相初指宗斥濫縱
下遮其舊習費下彰過自下結責未曉已宗強知他
學劣識而欲博通蠡杯而酌大海故云不識分量
結勸中斯文即戒疏文龜鏡龜鑑吉凶鏡分妍醜宜
須改迹令革故也事永情貴適時也
辨教中初科上三句通明功用詮表不出事理隨機
無越利鈍當知教者乃聖人之被下之言詮理化物

師一作即

論法一作法

爲義如小乘教詮眞諦理化六凡法界大乘詮實相
理化十法界若非化物不名爲教若非詮理不名爲
經輪梵之典儒道之書不可同年共日語矣雖下別
示教宗上二句顯繁而不瀆廣開戶牖謂方便多門
軌度無差謂聖師一定戶者門也屬堅密也孝經序
曰希昇堂者必自開戶牖下二句叙略而不棄冠定
措模謂大小不濫攝生斯盡謂和鈍齊收法華云爲
求聲聞者說應四諦法爲求辟支佛者說應十二因
緣法爲求菩薩者說應六波羅密又華嚴云若有諸
衆生其心厭沒者爲說聲聞道令離於衆苦復有衆
生其心少明利爲說因緣法令得辟支佛若復有衆
生樂學慈悲心廣饒益衆生爲說菩薩道若復有衆
生決定樂大乘轉無盡佛法爲說第一道豈非隨機
設教理無虛授哉
處判中初科一音說法隨類各解故名圓音起信云
圓音一演異類得解如來一代之教不離一音然有
二師一後魏菩提流支云如來一音同時報萬大小
并陳二姚秦羅什法師佛一圓音平等無二無思不

應機聞自殊非謂言音本陳大小故淨名云佛以一音演說法衆生隨類各得解佛意高深凡情叵測故曰難求大約疏文略分衡術故曰且依等業疏云戒體者何耶所謂納聖法心胸卽法是所納之戒體然後依體起用防遏緣非今論此法三宗分別

叙宗中體卽戒體教卽律藏律由戒生故戒爲律本疏云夫言戒者既是教源義當披演統括律計不出四門所謂空有變非變亦變非入空變亦歸有故此四門還卽二計此土翻傳雖有四律十誦四分時所盛弘故今但對兩宗辨異疏云此方盛弘假實二解成論所辨正通四分曇無德宗雜心俱舍乃解十誦薩婆多部一實法宗中彼明我人等法假名是空陰界入等并是實有亦名一切有宗亦卽毗曇部同歸色業者明受體也作無作戒一體無殊能造所造二俱是色既不談心未窮業本故未圖也疏云薩婆多二戒同色彼宗明法各有緊用戒體所起依身口成隨具辨業通判爲色業卽戒體小機力劣不約心論善惡二業皆由色造所發亦色故作無作并色爲體

不二作解

但一作俱

隨下明隨行上句標示形下釋成卽多論動身口色方名犯戒此下結名他宗所謂愚法小乘或曰三藏教者卽此部也二假名中彼明諸法緣生故空故名空宗但有名字故名假宗又深取大乘空義故名經部師卽下正示上二句標入四分一律是今學宗曇無德者戒疏云梵音曇無德唐言法正明慧卓朗除邪倒也又言法護興建正法不墜於時又言法鏡能照達萬法也此下出法上句明受體強號二非卽非色非心教雖是小義乖小道雖通大乘非全大教此前爲勝望後還劣是故立體兩極之間初明作色心能造色是本教心卽遍分及論所發非色非心非色遍分非心本教疏云依成實當宗分作無作者由此宗中分通大乘業由心起故勝前計分心成色色是依報心是正因故明作戒色心爲體是則衆緣顯正相從明體由作初起必假色心無作後發異於前緣故強目之非色心爾考其業體本由心生還熏本心有能有用心道冥昧止可名通故約色心窮出體性各以五義求之不得不知何目強號二非記中兩兩

前一作耳

第一作目

云彌陀是何教意答若據本宗翻作爲名今取通意以議達體貌即知二非附權而立故云強耳
隨行中上句標示下二句釋成業疏云若據菩薩十善俱戒如下四分心念故犯亦同相也即律制發心作心念作并吉羅又一切時中常爾一心念除諸蓋違皆結犯此宗制教義同菩薩但管爾重緣以分大小耳又戒疏云獨頭心念亦名爲犯重緣向念可得思覺而不制約故是犯科所以文云心念作也又業疏云諸有結正并問何心不同彼宗身口七支皆色中有損益故此下結名三圓教中前並小教此是大乘以大決小不待受大即圓頓義也前二偏計空有不均今悟教權名殊體一色與非色莫不皆然即圓融義也前既從權一期赴物今此克實究竟顯示即圓滿義也又三聚融攝非可思量即圓妙義也又三誓三聚三脫三身彼彼互具即圓具義所謂圓誓圓聚圓發圓修圓德圓證圓趣入解脫圓建立衆生諸大乘經論說佛境界不與二乘共者皆此教也故法華開示悟入華嚴發心便證維摩瞻衛林中不與餘

無理一作理

香入此室者唯聞諸佛功德之香般若明最上乘涅槃一心五行又經云有人入大海浴已用一切諸河之水又婆伽羅王樹車軸雨唯大海能受餘地不堪又博萬種香爲九若燒一塵具足衆氣又法華露地白牛涅槃雪山肥艸如是等類并爲圖教據云三宗無理偏局然既別標不無其致由前兩計各有宗黨今此直以大乘圓義以決前體故但標教今指教宗即指圖教以爲一宗非宗黨之謂也即下正示涅槃開會彼有二意一爲未熟者具談佛性令具眞常二爲末代鈍根於佛法中起斷滅見天傷慧命亡失法身故重扶戒律會歸常住故涅槃云二乘之人未來畢竟歸於涅槃如流歸海又法華云十方佛土中唯有一乘法無二亦無三皆開會之意二經已前權實不同大小相隔如華嚴大不納小小雖在座如響若應攝機不盡不暢如來出世本懷來至法華會歸一乘爾經云於一佛乘分別說三爲實施權也又云開方便門示眞實相開權顯實也正直捨方便但說無上道廢權立實也乃知法華開聲聞而作佛涅槃

扶小律以談常捨此二經餘無此義季云通云法華
涅槃二部之教大意皆令二乘捨權入實成就法界
一實眞門自餘諸教皆并方便是也問二經同是開
會今何獨舉涅槃答論其時味與法華同但扶律談
常於義親故舉後攝前理自足故決了權乘者法華
云決了聲聞法是諸經之王又祖師云涅槃即窮累
教本決了正義權謂權謀暫用還廢實謂實錄究竟
指歸二經已前皆權說故故下正示上二句明體識
藏熏種者疏云熏本識藏成善種子又云不妄緣境
但唯一識隨緣轉變有彼有此欲了妄情須知妄業
故作法受還熏妄心於本識藏成善種子此戒體也
由有本種熏心故力有常能牽後習起功用故於諸
遍境能憶能持能防隨心動用還熏本識問熏有幾
種答初受作戒熏成無作次則無作熏成隨行三則
隨中作無作熏還資本受若論所熏通熏心識問如
起緣說內外二熏此屬何收答彼以眞如爲內熏師
友教法爲外熏今以一識本眞爲內熏作無作戒并
外熏耳即善根種子善以簡惡從喻得名如世穀果

一作然

此一作基

皆有種子然種子之名通義須細簡初約十界四趣
爲惡餘六爲善次就善中人天有漏四聖無漏三就
聖中三乘是偏是權唯佛是圓是實今此戒種文唯
簡惡若望人天是無漏種若望偏權是圓實種行者
當知本所受體即是一體三佛之種法華云佛種從
緣起即斯義也隨下示行三聚即攝律儀攝善法攝
衆生隨舉一戒三聚具足隨舉一聚互具亦爾故知
初受圓發三誓隨中奉持圓修三行成因果感果圓證
三身三誓即是三聚三身三聚亦即三身三誓三身
亦即三誓三聚心佛無差因果不二能如此者始名
圓戒是波羅密即究竟本又也微縱即警爾疏云若
不動策微縱妄心還熏本妄更增深重成業行者即
大乘方便如梵網制不慳不悭等又涅槃聞叙劍聲
分別男女相心染淨戒此下結名機有淺深教分終
始前雖是大未極化源來至涅槃方名了義故曰終
窮大乘教

會宗中上二句標舉深下會統十誦色爲戒體但防
七支既不談心故未圓也四分二非爲戒體戒制重